

## **Ich raach nimmi**

Wenn ich nur mol Nichtraucher wer  
doch plötzlich uffhöre, des iss schwer  
do helfe kee Tablette un kee Pille  
was mer braucht wer in eiserne Wille.  
Do hilft kee Pfefferminz un Kaugummi  
mer müßt halt standhaft sein un braucht Energie  
Ach,ich hab jeden Morge in de Früh  
den feste Vorsatz „Ich raach nimmi“  
Kaum aus dem Bett,da gehts schun rund  
Do bellt mer wie in Kettehund  
drückt die Aache raus wie en Erdal-Frosch  
in faade Gschmack noch in de Gosch  
dann werd mir so langsam klar  
was annere kennen,kann ich a  
denn uff jeden Fall duts raache schaade  
oder soll ich uff des berühmte Tierle (Krebs)  
waade.

Ohne Zigarettedamp des tut weh  
nachts trääm ich vun Ernte,Kurmark un HB  
des koscht Nerve net so knapp  
Am Fernseher fress ich die Fingernägel ab  
un hett ichs gschaft,mei Fraa würd sage  
„Gott sei Dank“  
Kee geeleVorhäng kee Zigarettgestank  
In de Wohnung wer e gute Luft  
wer net verpescht vum Zigaretteduft  
Un ich habs gschaft wäss ich jedenfalls  
mei Fraa wer glücklich un fällt mer um de Hals  
Deshalb sag ich ,es iss endlich Schluß  
Ich verzicht uff den Zigarettengenuss  
Ich sag auf in den Kampf ihr Rauchergenosse  
mer wollen ab jetzt die Zigarettelosse  
Iss uns des endlich dann gelunge  
henn mer de größte Sieg errunge  
erfüllen die Worte ihren Zweck  
dann freut sich mit euch  
August Oberbeck